

北京圖書館 編

北京圖書館藏珍本
年譜叢刊

第 79 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 79 冊



第七十九冊目錄

王文靖公年譜清康熙二十二年至卷末	一〇一
上浦經歷筆記	四七三
朱竹垞先生年譜	五六五
稼書先生年譜	六二三
陸子年譜卷上	六二三

癸亥

五十六歲正月十四日

賜宴於保和殿十五日

賜滿漢內閣部院堂上官及翰林科道官宴於乾

清宮奉

諭充獻爵官初宴跪獻

御酒蒙

欽賜酒凡宴皆命滿大臣獻酒今荷

特諭此異數也宴畢蒙

賜緞四表裏內廐川馬一匹六月

上幸弘義閣內庫蒙

賜金臺盞一副緞紗六端又蒙

賜昇平佳宴柏梁體詩一冊是年四月為兗克昌

娶國子監監生裘克琛長女為婦六月克昌

授戶部陝西司員外郎十二月除夕

賜宴於保和殿

甲子

五十七歲正月十四日

賜宴於保和殿十五日

賜宴於乾清宮六月

欽遣清理刑部重犯凡五日復

命九月奉

召至乾清門侍衛傳

旨詢問朕將東巡往謁闕里欵令爾隨行不知尚
能乘馬否隨奏曰

聖駕巡幸關係大典聞

命不勝懽忭筋力未衰尚可乘馬踴躍願往奏入
奉

旨着扈從二十八日起行十月初至河間感寒扶
病啟奏蒙

大恩詢問

欽遣御醫馬之駿診視御醫復奏風寒雖去仍乘
馬行走若再冒風恐即成病奉

旨着乘轎隨從微臣何幸得荷

隆恩惟有感激隨赴

行宮謝恩行禮

上幸濟南登泰山以病奉

旨免從至蒙陰病全愈赴

行宮謝恩行禮抵紅花鋪奉

旨留行裝駝馬於此地扈從各員俱輕騎減從渡

河來舟南發至宿遷隨

駕閱黃河北岸工程至清河渡河蒙

賜船一隻乘坐至揚州

上幸平山堂一帶奉

召從行至天寧寺恭覲

上御書賜寺僧渡江蒙

賜坐沙唬大船一隻因隨從人少啟奏奉

旨命翰林院滿漢學士同乘此舟二十四日

上幸金山奉

召從行直登其巔蒙

賜饌於山堂恭視

上御書賜山寺渡江二十六日至蘇州奉

旨同翰林院撰致祭明太祖文二十七日自蘇州

啟行

上幸虎丘奉

召隨行次日蒙

駕幸小舟頒

賜鮮橘細糖抵無錫

上幸惠山奉

召從行至丹陽舍舟登陸二日至江寧次日隨

駕致祭明太祖陵行禮翌日

欽頒緞疋賜危從官員蒙

賜緞大表裏隨

駕幸報恩寺登塔絕頂又一日隨

駕於燕子磯登舟仍

賜坐沙唬大船由長江東下風勢甚大頗有戒心

晚抵儀真易舟次早啟奏於

御舟之旁蒙

天語詢問江行有無懼心奏云仰藉

皇上洪福恃以無恐奉

旨賜饌舟次淮安又蒙

賜御饌抵清江浦

上將巡黃河南岸工程奉

旨不必隨從可先渡河遂由北岸至宿遷恭候翌

日隨

駕啟行至曲阜

上駐蹕城外奉

旨同翰林學士孫在豐撰擬講章翊日

上謁孔廟隨班行禮復隨

駕詣講堂孔氏子弟二人進講侍班又奉

旨宣諭孔氏子弟人等遂步行隨

駕謁孔林行禮翊日北行抵高唐州晚奏事畢蒙
召入行宮茶視

御書既跪奏曰臣前蒙

賜法帖尚未得

賜御筆臣不勝諄懇願望蒙

諭俟回京日從容書就賜爾十一月二十八日早

隨

駕回京是年側室李生一男柳闕各生一女

乙丑

五十八歲二月奉

旨閱考試翰林卷三月充

殿試讀卷官奉

旨閱御試漢軍官員試卷四月蒙

召至乾清門侍衛自內捧出

御書堂匾宣

諭曰爾去年以求賜御書懇請已有旨許賜念爾

係舊大臣御書堂名製就匾額爾可祇受隨
奏曰臣一介庸愚蒙

皇上隆恩超擢內閣久望得

賜御筆已屬萬幸今乃荷
特恩

賜以御書席寵堂兼蒙

欽命製就匾額頒賜臣何人斯膺此

異數謹恭奉以歸懸於廳事

天章炳煥雲漢昭回蓬華生輝闔家頂戴子孫奕

世瞻仰靡極謹此奏謝奉

旨於乾清門外行謝

恩禮隨恭捧至家懸正廳中樑之上恭率婦子家

人望

小建

闕行禮仍捧

御筆選工勒石併恭記一則藏之篋笥以為永寶

八月十三日五弟燕赴鎮江知府任十月充

武進士

殿試讀卷官是科從姪克孝武舉中式例應迴

避未列名奉

旨武進士重在騎射技勇不必迴避仍充讀卷官

恭進

太祖實錄於太和門行禮奉

旨充

政治典訓總裁官是年八月大兒克善陞江西按察司僉事分巡驛鹽道十月南行赴任

丙寅

五十九歲元旦行禮赴宴於太和門十六日
往南苑觀烟火一鼓回寓二月二十九日侍
經筵賜宴三月初一日以

實錄告成議敘蒙

恩加太子太傅領

實錄告成恩賞初三日赴

實錄告成宴於禮部二十四日奉

肯來玉泉御園啟奏畢蒙

賜御饌

賜遊御園命侍衛二格導行

賜御酒果盒歡飲奏謝四月第四女議婚於衍聖

公孔公毓圻長子孔傳鐸受納采禮閏四月

二十四日

皇太子初行會講禮於文華殿後主敬殿侍班

賜宴二十六日側室陶生一男五月初九日

董夫人患疾症十一日午時卒余自二十二

歲娶夫人為繼室辛勤閨務閒靜寡言不問